

A close-up photograph of several sunflowers in full bloom. The flowers are bright yellow with dark brown centers. They are set against a blurred background of more flowers and some red structural elements, possibly a fence or a building.

Instrusaun

SERVISU AUTORIDADE NIAN NO OBEDIENSIA

Faciem tuam, Domine, requiram (Sl 26,8)

Ema hotu obedese

Ho **hahalok ida obediensia nian** ita moris iha mundu,
simu Vontade diak ne'ebe hili ita atu moris duke lae.

Ita sei takatana dalan moris nian ho **hahalok seluk
obediensia nian**,
nu'udar espresaun ita-nia saran an ba Aman Maromak.
Nakonu ho obediensia no realizasaun, ita sei dehan ita-nia
“sim”ba Domin ne'ebe hakiak ita
atu haksolok “ho” no “iha” Nia.

... no nu'udar religioza

ita simu bolu atu hatudu Jezus nia karateristika sira
iha Kreda no iha mundu,
virjen, ki'ak, obediente,
hodi buka Na'i nia futar oin no dalan
ne'ebe lori ita ba nia (kf. Jo 14,4-6).

Ilta futar oin , Na'i, ha'u buka (SI 26,8)
Buka nia futar oin halo ita koko hakmatek ka dame.

Dalan libertasaun nian

Liberdade bele transforma ba arbitrariedade no autonomia husi Kriador no iha relasaun ho ema seluk.

Iha forma idolatria (adora maromak falsu) oioin ne'ebe la haburas liberdade maibe halo ita sai fali atan.

Se mak fiar iha Jezus Kristu nia Maromak,
hatene lori ba oin
dalan ida libertasaun pesoal nian
husi lalatak hotu idolatria nian.

No obediensia mak *dalan ida libertasaun nian*.

Obediensia ohin Ioron

Iha tinan hirak ne'e buras liu tan konxiensia kona-ba

- * ***ema ida-idak nia valor***, ho nia don intelectual, afetivu no espiritual, ninia liberdade no kapasidade relasaun nian;
- * sentralidade ***espiritualidade komuñaun nian*** no valoriza instrumentu sira ne'ebe tulun atu moris tuir;
- * konseitu diversu no la'os individualista misaun nian, iha ***sharing/fahe malu*** hamutuk ho forma sira kolaborasun nian.



Tansa,
ba se Instrusaun ida-ne'e?

A close-up photograph of sunflowers, with their large yellow petals and dark centers, serving as the background for the text.

Kongregasau ba Relijiozu/a sira
no Sosiedade Vida Apostolika nian,
iha nia Plenaria ikus husi 28-30 setembru 2005
haklean tema ***autoridade no obediensia***
iha vida konsagrada.

Instruzione ida-ne mak ninia rezultadu.
Dedika ba
membru hotu Institutu vida konsagrada nian
ne'ebe moris vida fraterna iha komunidade
no ba institutu religiozu hotu.

Finalidade Instrusaun nian

**Intensaun prinsipal Instrusaun nian
mak afirma fila fali
katak obediensia no autoridade,
maski hala'o ho modu oioin,
iha nafatin relasaun partikular ho Na'i Jezus,
Atan obediente.**

Testu nia estrutura

Haree obediensia nu'udar servisu:

- * ba ema ida-idak ne'ebe simu bolu atu moris ninia konsagrashaun rasik (*parte dahuluk*):

KONSAGRASAUN NO BUKA MAROMAK NIA HAKARAK

- * atu harii komunidade fraterna (*parte daruak*):

AUTORIDADE NO OBEDIENSIA IHA VIDA FRATERNA

- * atu partisipa iha misaun kumun (*parte datoluk*):

IHA MISAUN



PARTE DAHULUK

KONSAGRASAUN NO BUKA MAROMAK NIA HAKARAK

«Atu livre tiha, ita bele serbi Nia iha santidade no justisa»
kcf. Lc 1,74-75)

Ideia baze iha parte 1^a :

*Servisu ba ema ida-idak ne'ebe simu bolu atu
moris iha konsagrasaun*

«Imi buka se?» (Jo 1,38)

- Saida mak o-nia fuan buka?
- Ba se mak o fadigadu?
- O buka o-nia an rasik?
- O haka'as an atu buka Na'i nia Maromak?
- O buka mak o-nia hakarak rasik?
- O buka ida-ne'ebe kria o-nia fuan?
- O halai tuir buat ne'ebe liu lalais?
- Ka o buka Nia ne'ebe sei la liu?

Obediensia mak rona

**... rona mak oan husi aman ida ne'ebe iha buat diak deit
atu hateten no fo, tanba ni ahadomi;**

**rona ida iha laran-metin, tan-ne'e mak oan simu aman
nia hakarak, seguru katak ida-ne'e ba nia diak rasik.**

Eskritura mak konvite ida atu rona.

**Rona tiha mai tuir obediensia nu'udar resposta livre no
halo ema sai livre.**

Obediensia mak simu Futar-Liafuan

**... simu lori ba hakohak Futar Liafuan ne'e:
iha nia Maromak revela, komunika nia an rasik,
no hafoun loroloron ninia aiansa domin nian.**

**Ema fiar-na'in buka dadeer-dader kontaktu moris nian ho
Futar Liafuan iha loron ne'ebe proklama leiturane'e, medita
nia no rai iha ninia fuan nu'udar soin ida, halo nia sai
abuut ba ninia lalaok hotu, kriteriu dahuluk ba ninia hilin
sira.**


**No bainhira loron to'o nia rohan
nia konfronta an ho Futar Liafuan ne'e.**

Obediensia mak simu mediasaun umana

Istoria salvasaun nian mak istoria mediasaun umana nian ne'ebe halo **Maromak nia Prezensa sai vizivel no komunika ninia hakarak.**

Sira ne'e mak mediasaun: moris loroloron nian; norma sira ne'ebe organiza vida asosiasaun nian; ema sira ne'ebe iha mandatu atu gia.

Mediasaun forte liu mak “projetu evanjeliku”, ka karizmatiku, ne'ebe Espiritu haburas no Kreda konfirma nu'udar karizma autentiku duni.



Buat ne'e hotu tenke moris iha koerensia no fo fuan bainhira ita

- iha hakarak atu halo **Maromak nia hakarak**,
- iha konxiensia kona-ba ita-nia **frakeza rasik**,
- simu mediasaun espesifika nia **validade maski la komprende didiak razaun sira ne'ebe aprezenta**.

Obediensia mak assume moris loroloron

Moris loroloron lori moris nebe hanesan nafatin, ksolok no difikuldade sira, saran an ne'ebe la para dala barak laho' rekomprensa.

Dala ruma husu ita atu

- husik projetu no ideia pesoal,
- husik tiha hakarak atu kaer rasik ita-nia moris no misaun,
- halo buat ruma ne'ebe tuir ema nia haree la dun konvense.

Hanoin katak: mediasaun iha limite no inferior ba mediasaun divina tanba mediasaun mak mediasaun umana deit.

Autoridade no obediensia

Autoridade no obediensia la'os realidade rua ne'ebe haketak malu ka la hanesan bainhira haree nu'udar halo Maromak nia hakarak.

Buat rua ne'e mak dimensaun sira realidade evanjelikanian, misteriu sarani nian, modu rua ne'ebe komplementa malu iha partisipasaun iha Kristu nia saran an.

Autoridade no obediensia hetan nia personifikasi saun iha Jezus: haree nu'udar relasaun direta ho Nia no konfigurasaun ho Nia.


Vida konsagrada buka simplesmente atu moris **Ninia autoridade no Ninia obediensia.**



PARTE DARUAK

AUTORIDADE NO OBEDIENSIA IHA VIDA FRATERNA

«Imi iha mestre ida deit no imi hotu mesak maunalin»
(Mt 23,8)



Ideia baze daruak:

Harii komunidade fraterna

Harii komunidade fraterna: empeñu fundamental ida iha vida konsagrada nian.

Vida fraterna iha komunidade mak elementu konstitutivu vida religioza nian, sinal ne'ebe hatudu didiak efeitu umanizasaun mai husi Maromak nia reinu nia prezensa.

Maromak nia bolun ida deit halibur hamutuk membru sira komunidade ka institutu ida nian. Vontade ida deit atu buka Maromak mak kontinua atu gia sira.

Ita-nia diferença sira

Espiritu halo ita disponivel ba Maromak nia Reinu, maski iha diferença iha don no knaar (kf. 1 Cor 12,11).

**Obediencia unifika komunidade nia sasin kona-ba Reinu Maromak nian, halo ida-idak lao iha ksolok (cf. Sl 36,23) no sai vida fraterna nian fundamentu,
Iha ne'ebe hotu-hotu obedese maski knaar la hanesan.**


Buka Maromak nia hakarak no disponibilidade atu hala'o nia mak simentu espiritual ne'ebe salva grupu husi fragmentasaun, mai husi ema ida-idak ne'ebe la hanesan.

Espiritualidade ida komuñaun nian

Konseitu antropolojia foun:

- importansia kona-ba dimensaun relasaun nian
- influensia ita-nia hanoin kona-ba relasaun iha komunidade religioza
- valoriza abertura ba ema seluk
- fekundidrade iha relasaun ho diversidade
- hariku malu ne'ebe mai husi ema ida-idak.

Antropolojia relational ezije *espiritualidade komuñaun nian*, knaar espesifiku vida konsagrada nian, dalan boot ba futuru ida vida fiar-na'in nian no sasin nu'udar sarani.




Obediencia fraterna

S. Bento hateten:

“Presiza mos atu irmaun sira obedese malu, ho konxiensia boot katak liu husi dalan ida-ne’e mak sei la’o ba to’o Maromak”.

No ida-ne’e ezije atu sai livre iha laran.



**Obediensia, maski hala'o iha kondisaun ne'ebe diak liu
nia laran,
la'os fasil;**

**maibe sai fasil bainhira konsagrada ida haree
autoridade tau nia an nu'udar servisu iha haraik an no
badinas iha fraternidade no iha misaun:**

**autoridade ida ne'ebe, maski iha limitasaun umana,
buka atu reprezenta iha ninia lala'ok
atitude no sentimentu sira Bibi-Atan Diak nian.**



PARTÉ DATOLUK

IHA MISAUN

*«Nu'udar Aman haruka ha'u,
nune'emos ha'u haruka imi»*

(Jo 20,21)

Idea baze parte da-3 nian:


partisipa iha misaun komún

Misaun no obediensia iha ligasaun resiproka.

Moris ba misaun implika simu mandatu.


Se iha mandatu katak ita tenke refere ba Ema ida ne'ebe haruka no ba konteudu misaun ne'ebe tenke hala'o.

Se la iha referensia ba obediensia liafuan misaun redus tiha deit ba misaun ne'e rasik.



**Ita hala'o misaun
la'os bainhira ita buka afirmasaun ba an rasik,
maibe bainhira ita tau iha fatin dahuluk hakarak atu halo
Maromak nia vontade.**

**Hakarak ida ne'e mak orasaun ninia kbiit
(«*Halo ita nia Reinu to'o mai ami, tulun ema atu halo tuir ita
nia hakarak*»)
no apostolu nia beran.**




**Entaun presiza
«iha komunidade religioza ida ne'ebe hatene didiak ninia
identidade karismatika,
asimila no moris tuir,
iha kbiit atu habelar mos ba sira seluk
ho disponibilidade ba sharing:
komunidade religioza
ho espiritualidade forte no laran manas ba misaun
atu komunika espiritu no laran manas ba evanjelizasaun
ne'ebe hanesan».**



**Buat ne'e hotu la dehan katak la hetan
difikuldade**




... iha obediensia




**Ita komprende katak bele mosu kesi an metin
ba ideia no konviksaun pesoal,
nu'udar rezultadu reflesaun no esperiensia ne'ebe
tasak iha tempu.**

**Defende ideia ne'e buat diak ida no lori ba oin
nafatin iha perspetiva Reinu nian,
iha dialogu sinseru no konstrutivu.**




**Husi parte seluk keta haluha katak
modelu permanente mak Jezus husi Nazare,
ida ne'ebe iha ninia terus laran husu ba
Maromak atu halo Aman nia hakarak,
no la hakiduk an bainhira hasoru mate iha
krus**

(kf. *Eb* 5,7-9).



**Ba ema konsagrada ida, bainhira tenke renunsia
ninia ideia ka projetu rasik bele
koko sentimentu lakon nian
no rejeisaun husi parte autoridade nian,
ka sente iha nia laran
« hakilar boot no mata-been» (*Eb* 5,7)
no hamulak atu hasai tiha kalis moruk ne'e.**

**Maibe ida ne'e mos momentu atu
konfia iha Aman
hodi bele halo ninia vontade
no bele partisipa ho modu ativu,
ho an tomak, iha **Kristu nia misaun**
« atu mundu bele hetan moris» (*Jo* 6,51).**



**Hodi hateten “sim” susar ida-ne’e
mak ita sei bele komprende didiak
sentidu obediensia nian
nu’udar hahalok aas liu liberdade nian,
hatudu iha saran an total no ho laran-metin ba Kristu,
Oan ne’ebe ho hakarak rasik obedese nia Aman.**

Obedese to'o rohan

Se fiar-na'in nia moris mak buka Maromak,
entaun loron ida-idak
sai aprendijazen kontinua ida
kona-ba arte atu rona ninia lian
atu halo ninia vontade.

Ida-ne'e eskola ida ne'ebe husu kompromisu boot,
hanesan luta ida
entre hakarak ukun an rasik no istoria rasik
no Maromak ne'ebe istoria hotu nia "Na'i".

Eskola ida iha ne'ebe ita aprende
atu konfia maka'as iha Maromak no ninia paternidade,
hodi tau laran-metin mos ba ninia kriatura sira.

Ho ita iha matadalan ida: MARIA

Ita invoka nia:

O ne'ebe halo tuir Aman nia hakarak
pronta iha obediensia
halo atu ami nia moris sai neonain ba Futar-Lia
fiel iha ami nia dalan tuir Jezus, Na'i no Atan
iha Espiritu Santu nia roman no kbiit
haksolok iha komuñaun fraterna,
laran-luak iha misaun,
matan-moris atu serbi ki'ak sira,
hodi hateke nafatin ba Ioron ne'ebe obediensia fiar nian
sei realiza iha festa Domin nian ne'ebe la iha rohan.



Ita nia futar Oin, Na'i, ha'u buka!

AUGURI!



Istituto Figlie di Maria Ausiliatrice - Roma
Ambito per la Comunicazione sociale